

Contanschia en plaz malangraztgevel



La delegaziun dalla Val Alvra agl teir da giovens e giuvenils a Versomi. (da san.) Jan Cadosch, Timo Thöni, Marino Gubser, Luca Cadosch, Gian Ardüser, Aline Ardüser, Gino Gubser e Walter Gubser, trenader. Foto Gion Nutegn Stgier

A Versomi ò gia li igl teir e de da giuvenils e da giovens. Dalla parteida èn stos 75 tiradours e tiradouras da 16 anfignen 20 onns e 25 mats e mattas da diesch anfignen 15 onns. A madem mument ò er gia li igl campinadi cantunal da gruppas digls tiradours giovens e digls giuvenils. 16 gruppas on tratg ainten la categoria U21 e set gruppas èn sa misiradas ainten la categoria U15. Fatg part alla concorrenza U21 ò er ena gruppa dalla Val Alvra e

mantganto cuql quart post per pac da neir segl podest. Gudagnea ò la gruppa da Castrisch 2, avant igl team Castrisch 1 e cumpletto igl podest ò la gruppa da Tavo. Tar la concorrenza da gruppas digls giuvenils è betg sa qualifitgeida ena gruppa dalla Val Alvra. Gudagnea ò cò la gruppa d'Andeer, avant Sedrun-Tujetsch e Sent. Ainten las concurrenz singulas ò Gino Gubser da Barvogn obtignia da 75 participants e participantas igl

11avel post cun treir 89 puncts. Gudagnea igl teir singul dalla categoria U21 ò Fabio Giger da Pasqual cuql resultat da 93 puncts. Igl cumpogn da 17 onns è en grond talent igl teir. El ò gio gudagnea treis gedas igl teir da giuvenils ed ossa damai er tigls giovens. Tigls giuvenils sa nomna igl victour Livio Tscharner, tg'ò 12 onns dereiva da Schiers/Aschera. Igl migler Surmrian è sto scu 13avel, Timo Thöni da Stierva. (fmr/gns)

ALVRA/SURSES

Uniun catolica da donnas digl Grischun

Gl'è puspe schi gliunsch: igls 8 da settember 2022 ò li igl de da scuntrada da donnas tgi veivan sulettas. Nous faschagn en viadi cuql car via Kerenzerberg aint igl pitschen martgea da Wil.

Lis per antrar: Savognin, Cunter, Casti, Vasarouls, Lantsch, Lai, Valbella - mintgamai sen la piazza dalla posta.

Infurmaziuns ed annunztgas anfignen igls 20 d'avost 2022 tar Sabine Balzer-Bergamin, 081 384 42 56/078 842 76 91

PREAVEIS

14 avla festa da crap

Dumengia igls 14 d'avost organischa igl Parc Ela per la 14avla gEDA la festa da crappa (Felsenfest) a Beiva. Alla fiera an mez vischnanca dattigl d'admirar la varietad d'artisanadi ed art da crap. Tar blers mastirants ins ò la pussebladad da sfuschignier e daventar sez creativ. Aint igl rom digl tema annual «scazis da tera» preschainta igl sarvetsch geologic digl grischun projects actuals. Tranter oter infurmescha Peter-Andrew Schwarz dall'universitad da Basilea davart igl project da perscrutaziun «CVMBAT» - ena piazza da cumbat romana a Cunter. La preschaintaziun ò li sonda seira aint igl cinema stalla. (fmr/cdm)

GRUPPA CORDIAL

Spassageda

Nous ans antuppagn igls 18 d'avost allas 15.00 tar la baselgia da son Martegn e viandagn tar las aclas da Parseiras ed anavant anfignen Sarons. Er betg commembras e commemblers èn bagnnias

BASELZIA ALVRA

Dumengia, igls 14 d'avost

Stugl, 10.00 messa, preditganta Miriam Neubert, Barvogn: 19.00 messa, preditganta laica Martha Wellauer